
SURETU ET TARIK KAPTINA 86

E zbritur në Meke, pas sures El Beled, ajete: 17

Në thelb të tematikës së kësaj sureje qëndron besimi në ringjallje dhe përgjegjësi për vepra, andaj shtron disa argumente mbi fuqinë e Zotit dhe argumente për Kur'anin si mrekulli.

Quhet: “Suretut Tarik”, ngase përmendet ylli trokitës, ndriçues.

SURETU EL A'ËLA KAPTINA 87

E zbritur në Meke, pas sures Et Tëkvir, ajete: 19

Në pika të shkurtëra kjo sure shtron:

- cilësitë e larta të Zotit të madhëruar,
- shpalljen e Kur'anit, vulës së pejgamberëve dhe lehtësimin e nxënies së tij,
- këshillën e mirë prej të cilës përfitojnë zemrat e gjalla.

Quhet: “Suretul A'ëla”, ngase fjala është për madhërinë e Zotit që është më i larti.

SURETU ET TARIK

Me emrin e Allahut, Mëshiruesit, Mëshirëbërësit!

1. Pasha qiellin dhe yllin ndriçues (të natës)!
2. E ku e di ti se çka është tariku - trokitësi?
3. Ai është ylli që shpon (errësirën me dritë).
4. Nuk ka asnjë njeri që ndaj tij të mos ketë përcjellës.
5. Le të shikojë njeriu se prej çkahit është krijuar?
6. Ai është krijuar prej një uji që hidhet fuqishëm,
7. E që del nga kurrizi i shpinës dhe dërrasa e gjoksit.
8. E s'ka dyshim se Ai ka fuqi ta rikthejë në jetë atë.
9. Diën kur do të gjurmohen të fshehtat.
10. E ai (njeriu) nuk ka as forcë as ndihmtarë.
11. Pasha qiellin që kohë pas kohe kthehen me shi.
12. Edhe tokën që çahet për bimë.
13. Është e vërtetë se ai (Kur'ani) është një fjalë që dallon - gjykon.
14. Nuk është ai i parëndësishëm (lojë e kotë)!
15. Ata vërtet bëjnë kurtha.
16. Po edhe Unë përgatis dëshimin e kurtheve të tyre!
17. E ti jobesimtarëve jepu afat, afatizoi ata pak.*

SURETU EL A'ËLA

Me emrin e Allahut, Mëshiruesit, Mëshirëbërësit!

1. Madhëroje larg të metave Zotin tënd, më të lartësuarin!
2. I cili krijoi dhe përsosi,
3. Dhe i cili përcaktoi e orientoi,
4. Dhe i cili mundësoi mbirjen e kullosës.
5. E pastaj atë e bëri mbeturinë të zezë.

* Zoti xh. sh. betohet se çdo njeri ka përcjellës, i cili përcjell punën e tij, ose ka mbrojtës që e ruan prej rreziqeve.

Prej ujit të burrit, që del prej boshtit kurrizor dhe ujit të gruas, që del prej gjoksit të saj, Zoti e krijon njeriun; pra Ai ka fuqi ta ringjallë. Dita e gjykimit është moment që zbulon çka mbahej fshehtë, bindje e qëllime, e njeriu as vetë nuk ka fuqi të mbrohet, e nuk ka as ndihmës. Dredhitë e idhujtarëve Zoti i asgjëson.

Mbaroi përkthimi i kësaj sureje, falënderoj Allahun e madhëruar!

سُورَةُ الطَّارِقِ

بِسْمِ اللَّهِ الرَّحْمَنِ الرَّحِيمِ

وَالطَّارِقِ ۝ وَمَا أَدْرَاكَ مَا الطَّارِقُ ۝ اتَّخَذَ النَّبِيُّ ۝ إِنَّكَ ۝
 قَفِيرًا ۝ مَا عَلِمْنَا حَافِظًا ۝ فَلْيَنْظُرِ الْإِنْسَانُ مِمَّ خُلِقَ ۝ خُلِقَ مِنْ مَّاءٍ ۝
 دَافِقٍ ۝ يَخْرُجُ مِنْ بَيْنِ الصَّلْبِ وَالتَّرَائِبِ ۝ إِنَّهُ عَلَّمَ نَجْمَهُ لَمَّا دُرِيَ ۝
 يَوْمَ تَبْيَضُّ سِنَّةُ الرَّأْيِ ۝ فَالَهُ مِنْ قُوَّةٍ وَلَا نَاصِرَ ۝ وَالتَّمَّاءُ ذَاتَ الرَّجَمِ ۝
 وَالْأَرْضُ ذَاتُ الصَّانِعِ ۝ إِنَّهُ لَقَوْلُ فَصْلٍ ۝ وَمَا هُوَ إِلَّا هَزْلٌ ۝ لَوْ يَرَى ۝
 يَكِيدُونَ كَيْدًا ۝ وَأَكِيدُ كَيْدًا ۝ فَمَهْلُ الْكَافِرِينَ مِنْ أُمَّهَاتِهِمْ رَوْدًا ۝

سُورَةُ الرَّحْمٰنِ

بِسْمِ اللَّهِ الرَّحْمَنِ الرَّحِيمِ

سَبِّحْ اسْمَ رَبِّكَ الْأَعْلَى ۝ الَّذِي خَلَقَ سَمَوَاتٍ ۝ وَالَّذِي قَدَّرَ فَهْدَى ۝
 ۝ وَالَّذِي أُنزِلَ الْأَمْحُورَ ۝ فَجَعَلَهُ غَنَاءً أَحْوَى ۝ سَفَرًا ۝
 فَلَا تَسْمَى ۝ إِلَّا مَآسَاءَ اللَّهِ إِنَّهُ يَعْلَمُ الْجَهْرَ وَمَا يَخْفَى ۝ وَيَسِّرُ ۝
 لِلْيَسْرَى ۝ فَذَكِّرْ إِنْ نَفَعْتَ الذِّكْرَى ۝ سَيَذَكِّرْ مَنْ يَحْسَى ۝
 وَيَنْجِيهَا الْأَشْفَى ۝ الَّذِي يَصِلُ النَّارَ الْكُرَى ۝ ثُمَّ لَا يَمُوتُ ۝
 فِيهَا وَلَا يَحْيَى ۝ قَدْ أَفْلَحَ مَنْ تَزَكَّى ۝ وَذَكَرَ اسْمَ رَبِّهِ فَصَلَّى ۝

۵۹۱

6. Ne do ta lexojmë ty e nuk do ta harros (Kur'anin).
7. Përveç asaj që Allahu dëshiron. Ai e di të haptën e të fshehtën.
8. Dhe Ne do të drejtojmë ty në më të lehtë.
9. E ti këshillo aty ku këshilla bën dobi.
10. Do të këshillohet ai që ka frikë.
11. E do t'i shmanget asaj, ai që është shumë i keq,
12. I cili do të hyjë në zjarrin e madh.
13. Dhe aty as nuk do të vdesë, as nuk do të jetojë.
14. Ka shpëtuar ai që është pastruar.
15. Që e përkujton madhërinë e Zotit të vet dhe falet.

SURETU EL GASHIJE

KAPTINA 88

E zbritur në Meke, pas sures Edh Dharijati, ajete: 26

Kjo sure e shpallur në Meke, sjell argumente të nevojës së domos-doshme për besim dhe ato i përqëndron në dy pika si më kryesore:

- në argumentet që dokumentojnë për fuqinë e një Zoti krijues dhe numëron disa prej tyre, dhe

- në faktet që dokumentojnë se kjo ekzistencë do të ketë fundin e vet, por katastrofa e saj do të jetë e tmerrshme.

Quhet: “Suretul Gashijeti” - kaptina e kaplimit, ngase belaja e kijametit i kaplon njerëzit me ato veçoritë e tij.

16. Po ju po i jepni përparësi jetës së kësaj bote,

17. E dihet se jeta e botës tjetër është më e dobishme dhe e përjetshme.

18. Vërtet, kjo (këshillë) gjendej edhe në broshurat e para:

19. Në broshurat e Ibrahimit dhe të Musait*.

SURETU EL GASHIJE

*Me emrin e Allahut, Mëshiruesit,
Mëshirëbërësit!*

1. A të erdhi ty lajmi për belanë që kaplon (kijameti)?

2. Atë ditë shih fytyra të përlulura.

3. Të lodhura e të rraskapitura (nga mundimi).

4. Ato hyjnë në zjarrin të ndezur fort.

5. U jepet të pijnë prej një kroi të valë.

6. Ata nuk kanë ushqim tjetër pos një barishte me ferra helmuese.

7. Që as nuk jep fuqi, as nuk largon uri.

8. Atë ditë shih fytyra të ndritshme.

9. Të kënaqura për veprimet e veta,

10. Në xhennet të shkallës së lartë,

11. Aty nuk dëgjojnë fjalë të pakëndshme,

12. Aty ka kroje që rrjedhin,

13. Aty kanë shtretër të lartë,

14. Dhe gastare të vëna pranë,

15. Edhe jastëkë të renduar për mbështetje,


16. Edhe qilima të shtruar.

17. A nuk i shikojnë devet se si janë krijuar?

18. Edhe qiellin se si është ngritur lart!

19. Edhe kodrat se si janë venduar!

20. Edhe tokën se si është shtruar!



21. E ti pra, këshillo, se je vetëm përkujtues,

22. Ti ndaj tyre nuk je mbizotëruer!

23. Përveç atij që zbrapset e nuk beson,

24. Allahu atë me vuajtje të mëdha e dënon.

25. Vetëm te Ne kthimin e kanë.

26. Dhe vetëm detyrë Jona është llogaria e tyre.**

* Zotin e madhëruar duhet adhuruar pastër dhe nuk duhet Atij shoqëruar asgjë.

Ai e krijoj njeriun me një mjeshtëri të përsosur dhe Ai çdo krijese ia përcaktoi veçoritë e saj dhe e orientoi të dijë t'i shfrytëzojë ato. Pejgamberit i tha se Ne do ta mësojmë Kur'anin e ti nuk do ta harrosh, përpos ndonjë pjese që Allahu dëshiron ta harrosh, sikur që një herë i ndodhi e harroi në namaz, e shokët ia përkujtuan. Do të drejtojmë në shariat që do të jetë i lehtë, e sheriati islam është më i lehti i të gjitha sheriатеve që ekzistuan. Ti këshillo me Kur'an, se ai që frikësohet prej dënimit do të përfitojë, e ai i prishuri nuk përfiton, por hyn në xhennem ku as nuk mund të vdesë, as nuk mund të jetojë.

Kush e pastron veten prej punëve të këqija, e përkujton Zotin dhe i lutet, ai është i shpëtuar. Këto këshilla qenë edhe në suhufet e Ibrahimit e të Musait; në të vërtetë, kjo përmbajtje e jo edhe ky tekst, sepse Kur'ani është vetëm në arabishte, e ato kanë qenë në gjuhë tjetër, pra, jo Kur'an.

Lavdëruar qoftë Allahu i madhëruar!